

Pengurus GiatMara ditahan disyaki salah guna kuasa pemberian kontrak

- Oleh MOHAMAD SHOFI MAT ISA
- 8 Mac 2023, 12:14 pm



SEORANG pengurus Pusat GiatMara daerah di negeri ini direman bagi membantu siasatan oleh SPRM di Kuantan, Pahang.

KUANTAN: Seorang pengurus sebuah Pusat GiatMara Daerah di negeri ini ditahan Suruhanjaya Pencegahan Rasuah Malaysia (SPRM) kerana disyaki menyalahgunakan kuasa dalam pemberian kontrak kerja pada 2021 dan 2022.

Suspek berusia 39 tahun ditahan ketika hadir bagi memberi keterangan di Pejabat SPRM Kuantan semalam.

Pengurus Pusat GiatMara itu dikatakan menyalahgunakan jawatannya dengan mencadangkan syarikat milik adik-beradik isterinya untuk menjalankan kerja-kerja baikpulih dan bina baharu Program Perumahan Rakyat Termiskin (PPRT) negeri Pahang.

Difahamkan nilai keseluruhan bagi kerja-kerja dalam projek di bawah Kementerian Pembangunan Luar Bandar itu adalah RM38,521.40.

Suspek direman selama tujuh hari dan siasatan dilakukan di bawah Seksyen 23 Akta SPRM 2009. – UTUSAN